



partii naleraq

21. oktober 2020

UKA 2020/82

Sullualuup siunissami aqqusaalutarineqariartuaarnissaa sillimaffigalugu, sapinngisamillu annertunerpaamik periarfissaasinnaasunik atorluanaanisaq siunertaralugu nunatsinni international frihavnimik sanaartortoqarlunilu pilersitsisoqassappat suut pitsaaqutaallutillu ajoqutaasinnaanersut Naalakkersuisut nassuiaasiornissaat pillugu Inatsisartut aalajangiiffissaattut siunnersuut. Nassuiaat UKA 2021-mut naammassineqassaaq.
(Atassut Inatsisartutgruppe)

Canadami naalakkersuisut siku pillugu qullersaqarfiata 2008-imi nalunaarutigaat Sullualuk angallavigineqarsinnaalersoq. Umiarsuit assartuutit, takornarnianik angallassisut inuillu namminneq angallatiminnik Sullualukkoortalerput.

Sullualuk sikuerutivissunngikkaluartoq sicut avaqqutaarlugit ingerlasoqarsinnaasarpoq. Tamassuma takutippaa avannaarsuata sineriaata allanngoriartornera, kiisalu umiarsuit assartuutit takornarniartaatillu angalsinnaalernikuullutik. Kangisinnerusumi sulit sikoqaaluttaraluarporooq kippasinnerusortaali sikuerutalersimalluni. Luc Desjardins, Canadami sikunik alapernaarsuiffimmiit taamatut nalunaaruteqartarsimapput. Kisianni soorunami nunami issittumiikkatta ukiut tamaasa silap pissusaa allanngorartuummat mianersorfissaqartuaannartoq nalunngilarput.

Sullualuup ingerlavigineqarsinnaalernera suliffeqarfiit inuillu namminneq angallatillit soqutigisimaqaat. Siunissamilu silaannaap kissakkiartornera sulit ingerlaannassappat soqutiginninneq annikilliarternaviarani.

Atassutip oqallisissiaa soqutiginarpoq aamma siusinnerusukkut Inatsisartuni eqqartorneqartarpoq, ilaatigut nunanut allanut tunngasut angallannerlu eqqartorneqartillugit.

Nunatsinni frihavn-imik nunarsuarmioqatigiinnit atorneqarsinnaasumik ingerlatsisoqalersinnaanera pillugu pitsaaqutit pitsaanngequtillu pillugit qulaajaasoqarnissaata nalunaarusiornissallu aallartinnissaat Partii Naleqqamiit taperserparput. Nunarsuarmioqatigiit atorsinnaasaannik Frihavn-imik nunatsinni pilersitsisoqarnissaanut sillimaffissat tamaasa ilanngullugit nalunaarusiassaq pissagalluta utaqqissavarput.

Taamannak oqaaseqarluta siunnersuutip aappassaaneerpeqannginnermini inuussutissarsiornermut ataatsimiititaliami suliarineqarnissaa innersuussutigaarput.

Pele Broberg